

盛明雜劇初集

盛明雜劇

鹿城伯龍梁辰發編

蔚如汪文彪

錢塘

閱

武陵彥雯汪樵評

淇生葉筠

紅線女

薛節度兵鎮潞州道田元帥私養外宅兒

正名

紅線女夜竊黃金盒冷叅軍朝賦洛妃詩

第一折

末扮薛嵩戎服上漠南春色到潯沱邊柳青青塞馬多萬里江山今不閉漢家頻許郅支和下官姓

薛名嵩、河東絳州人也。祖諱仁貴、高宗朝大將軍、封平陽郡公。父諱楚玉、爲范陽平盧節度使。少叨門蔭、不事家業、膂力過人、兼善騎射、不意祿山兵起、身陷虜廷。肅宗皇帝東平洛陽、遣僕固元帥北收河朔、迎謁王師、得復舊官。遂拜嵩爲潞州節度使、復以田承嗣鎮魏博、胡章鎮滑臺、遣嵩女嫁承嗣之男。嵩男娶胡章之女、三姓交締、結爲婚姻。雖承四海多事之餘、疆界粗安、戰守略備。今日春和景明、不免帶軍士們城南較獵一回、多少是好。正

是三戰渙陽再度遠。彫弓在臂劍橫腰。匈奴若欲知名姓。且徬陰山再射雕。
下

正旦扮紅線青衣上錦帳春閨面角哀。日斜劍戟影徘徊。軍中無事拋書卷。坐待城南蹴鞠回。自家潞州節度使薛爺帳下小青衣紅線是也。幼諳音律。獨擅阮咸。素熟兵機。並驅孫武。前世誤投醫藥。今生謫降塵寰。墮落女胎。爲人執役。雖作深閨之妾。實爲入幕之賓。每學劍術。驚飛樹秒猿。公常結俠徒。絕倒車中女子。由此隣藩書檄。朝廷奏章。皆

出妾手、今日軍中多暇、主公較獵城南、小步庭堦、
聊玩春色、多少是好、

仙呂點絳脣幕府春餘、落花飛絮空延佇、回首踟躕、
世事紛如許、

我想當日玄宗爺、值天下承平日久、恣意荒淫、寵
愛貴妃娘娘、朝歡暮樂、那時節真個全盛也呵、

混江龍明堂臨御、山河圍繞帝王居、只見那紫微環
聖座、皇極正乘輿、香馥馥、月戶花堦多窈窕、錦重重
瓊樓画閣半空虛、祇多少金鋪內殿、玉甃雲渠、讌排

仙苑詔待公車。邊開衛霍館。接應徐簾垂。翡翠硯。賜蟾蜍。囊披錦繡。軸卷璚琚。毬拋方曲。鼓揭軒墀。偎香倚玉。傳粉塗朱。醉朦朧。沉香庭畔。倚欄時。意綢繆長。生殿角。無人處。鎮日價。覓飛楚峽。夢入華胥。

我想唐家山河金甌無缺。誰道國忠一進林甫來。九齡已老韓休死。被祿山這厮。躍馬長驅。提兵深入。一出盧龍之塞。遂搗函谷之關。污穢六宮。蹂踐三輔。把一個嬌滴滴的貴妃娘娘。送入黃泉去也。呵。

油葫蘆。萬里潼關一夜呼。忒的來君王沒處宿。唬得
那楊家姐姐兩眉蹙。感古佛堂西畔墳前土。馬嵬驛南
下川中路。方纔想匡君的張九齡。誤國的李林甫。雨
霖鈴。空響人何處。只落得渺渺獨愁予。

我紅線雖長。閨房每臨戎陣。兒女情少。風雲氣多。
方今四海未平。鄰邦作梗。一旦竊發。玉石俱焚。主
公故爾偷安。賤妾豈能坐視。雖然未露萌芽。不敢
頓泄軍機。日夕包含。好悶人也呵。

天下樂

想四海分崩。白骨枯蕭疎。短劍孤。擬何年盡

何物呢
子乃爾
莽撞

將賊子誅笑荆軻西忝秦羨專諸東入吳那時節方顯女兒行的心性鹵

衆旦二人扮內使女上。曉來心事亂如麻。去折牆頭桃李花。驚起錦香雙蛺蝶。趲伊飛去到西家。主公今早往城南打獵去了。正要尋紅線姐姐耍子。不知他跑到那里去了。呀。却元來在此閑步。旦二

個頭上髻兒梳得光光的，脚下鞋兒穿得灣灣的，正要約你到後花園中，勾鶯引燕，趲蝶隨蜂，尋幾個少年兒，郎遊樂一回，你到如此掃興，好苦楚人

也。
目

那吒令 你待將烏雲髻梳，須不是宋家的子都，你待學金蓮步趨，須不是漢宮的子夫，你待做分香小姑，可便是晉朝的賈午，你只好賣俏，在蹴鞠場標名，在煙花部，那里管帥府的謀謨。

衆旦 我們伏侍老爺，正圖朝歡暮樂，不過在銷金

帳中羊羔美酒、講些雲雨之情、玳瑁筵前、彈袖垂
肩、舞出妖嬈之態、若依姐姐、姐姐這等說、可不決煞人
也、旦

鵲踏枝 你只好錦帳中醉醞醢、華筵上舞瓊瑜。那里
知滿眼干戈、幾年間遍地丘墟。險些兒把中原價沒
主。急煎煎黎民似釜內遊魚。

末領軍校上角鷹初下塞草肥。鐵驄拋鞚去如飛。
少年獵得平原兔。馬後橫梢意氣歸。紅線我早上
着你草各鎮的箋書。看你邇來身子嬌怯。想是還

未得脫稿哩旦

新仙

主公你道我紅線呵身材小我可也膽氣粗

曉蠻夷已撰定川西喻苦流離已草就河東賦救饑
荒已擬上關西疏主公你怎能勾析聲沉月中無犬
吠千村你看尙兀自劍光寒星邊有騎飛三輔

神思欲
飛

末紅線你既與我草就各鎮箋書且和你到洞房

中去構蒲雙陸擊阮彈碁惜翠憐紅偎香倚玉好
不快煞我也旦主公妾聞安不忘危治不忘亂況
今天下多事正主公憂勤惕勵之日你到要恣情

懽樂也呵。

公篇奸雄輩尚未除。這些時正鵬旗夜卷。黃沙樹。狐
冰夜。走黃河。渡狼烽。夜報黃花戍。你須要祖生早着。
洛陽鞭。怎學那謝公閒賭山陰墅。

煞尾主公你休將志怠荒。莫便心安豫。念賤妾衷情
縷縷。你禍福安危還自取。看轅門外布陣的靈樞。笑
孩心裡搦戰的方術。看時節都是碌碌軍前一走卒。
恰彎弓便輸。未交鋒先懼。主公你是必鎮朝昏再熟。
讀呂公書。

第二折

淨扮田承嗣戎服領外宅兒上生長邊城膽氣粗、
旌旗十萬擁平盧、世人莫問少年事、兩陷東京入
帝都、自家姓田名承嗣、本貫平州人也、天寶間曾
爲安祿山先鋒、又爲史朝義前導、兩陷洛陽、軍敗
之後、蒙僕固元帥覆庇、奏爲魏博節度使、承嗣不
習禮義、好勇多猜、雖外服朝廷、而陰圖自固、計戶
口衆寡、驅老壯戰耕、數年之間、衆至十萬、又選魁
偉壯士三千人、號爲外宅衙兵、宿衛兩廂、以防不

軌戶版不籍于天府，賦稅不入于朝廷，國富兵彊，河北第一。天子以承嗣驍勇，近令連姻薛嵩，二國交歡，永爲藩蔽。但常患肺氣，遇暑益增，若得移鎮北邊，納其涼冷，可延數年之命。今薛嵩身居上黨，地處嚴寒，意欲令外宅諸兒兼併潞府，一時顧不得親兒女，那里管甚麼親家翁。衆外宅兒聽我分付，卽圖起兵，不可遲滯。正是恨小非君子，無毒不

丈夫下

末扮薛嵩上。沙草萋萋牧馬鳴，長風獵獵動高旌。

丈夫未得收殘虜。東望。幾齊恨未平。自家蒙朝廷
恩養。固守城池。邊境粗安。足稱無事。不意田承嗣
這厮。雖聯姻契。反藏禍心。邇因肺病頓增。思欲遷
居寒冷。卽提十萬久操之士。兼驅三千外宅之兒。
欲併潞州。剋期竊發。念嵩弱難勝。疆寡不敵。衆計
無所出。如之奈何。好悶人也。呵。旦上。三尺青萍。怨
翠煙。生身花柳。總無緣。一心自有匡君策。笑殺貂
蟬嫁奉先。我紅線本欲神游物外。豈宜久處閨中。
但主公恩德未酬。豈可飄然長往。昨聞田承嗣這

所欲併潞州。我數年之前，豫知有此，只爲未露其事，因此久藏在心。今主公方在納悶之時，正賤妾速當報恩之日，聞其憂惕，獨坐營中，夜漏方深，轅門已閉，不免上前打探一回。多少是好？主公紅線叩頭。末：紅線，你尚兀自未睡哩。旦：每常間見主公橫槊賦詩，打毬走馬，今經一月，寢食不遑，不知爲着甚麼來。末：你那里知道。旦

黃鍾醉花陰
營月娟娟半盈缺，聽寒漏沉沉不歇。風旌影動龍蛇，牧馬邊笳。刁斗軍中夜，爲甚麼謾咨嗟。

一寸柔腸千萬結。

末兀那小妮子，那里曉得我的心事，只管來盤問。

我旦鶴知夜半，焚識戊巳，薊蕘之言，聖人擇焉。主公意有所屬，莫非隣境乎？末事係安危，非汝能料。

旦

喜遷鶯 我能尋枝葉，近閨房，也有些干涉英傑。莫道我丫鬟調舌，解難分憂，能會些。這衷情須盡說，再不用千軍萬馬，又何勞戰艦飛車。

紅線雖是下賤，亦能解主公之憂，速告其詳，不須。

遲滯。**末**我誠愚昧，不識卿是異人。頃聞田承嗣養三千外宅兒，日夜操演，即日起兵，欲併潞州。我承祖父遺業，受國厚恩，一旦失其疆土，百年功勛，掃地盡矣。因此憂悶，計將安出。**旦**

出隊子料區區殘孽，自矜誇豪共奢。主公你若承嗣呵，有何難哉？想提來也不甚費周折，收下也真堪小打疊。拏到也，還須隨奔撤。

末今將奈何。**旦**主公，此事甚易，不須憂煩。今夜七夕，紅線暫到魏博，觀其形勢，覘其有無。三更首途，

四更、可復命、先定一疋馬、使具寒暄書、待我回時、
卽便發、使末只是你嬌怯怯的身兒、千里長途、一
時如何去得、旦

刮地風

主公、休認我閉月羞花情性怯、那其間自有

分別、那里知我持刀拔劍心腸劣、急忙里也不甚差、
迭好時光、今年今夜、乘着這一輪明月、小身軀真俊
捷、暫離公舍兩三更、也不當別須踏破千里巢穴、

末既然如此、待我備了鞍馬、點起軍兵、送你去者、
旦笑曰、俺不用、俺不用、待我暫入閨房、飾其行具、

東坡如
畫

梳烏鬢、髻插金鳳釵、衣紫繡、短袍着青絲、輕履、胃
前挂龍文匕首、額上書太乙神君、

四門子

撇花鈿、便把春妝卸、好儀容、將翠袖、遮猛提
着匕首、將征衫、拽輕鞋、不用靴、將小脚兒、挪鬢髻、
兒斜美、飄揚一似花外蝶、趁樵鼓兒、寒漏兒、徹好
一似飛仙去者、

末我聞田家營內有十萬精兵、廂中有三千壯士、
重重門鎖、旌旄、月獵獵、聲傳鼓角、風日夕、關防、非
同小可、憐你香閨艷質、帥府愛姬、倘有不虞、爲禍

紅線女

十

非細。我怎捨得你去也。**旦**主公不用深憂。慢慢坐待看紅線。做出一場奇怪事也呵。

古水仙子

急煎煎、駕長風、步亂楚、虛飄飄、透青霄、待

將雲盡揭、影燦燦、手提着三尺青萍、喜孜孜、霎時將
奸臣頭借風瀟瀟似行空馬蹏蹏、漫騰騰、便不去打
草驚蛇、惡狠狠、也何難飲、負心頭下血、苦哀哀、諒愚
蒙孺子情堪赦、氣昂昂、方顯得香閨女子是小豪俠。

末紅線、我也不敢就枕坐待你回來也。**旦**

尾聲

主公、你守着燈兒、休教滅、拜別了我恩主的爹。

爹我可也未鷄鳴便尋歸路也下

第三折

淨扮田承嗣上玉帳分弓射虜營。秋風獵獵動高旌。已收滴博雲間戍。更奪婆娑雪外城。目今酷暑未退、肺病益增、欲併薛嵩、已在目下、預養外宅兒三千、日夜番休、畱爲急用、今夜是七夕、又該三百人直宿兩廂、且教他出來分付。外宅兒那有衆上外宅兒叩頭。淨你們衆人、各宿兩廂、更番巡更、提鈴喝號、恐有奸細、坐罪非輕、可小心在意者。衆理

會得做睡并衆巡更科淨女侍們那有衆旦作執
手巾拂子上女侍們叩頭淨我遭暑熱病肺未痊
思養精神暫卧繡帳少至更餘尙欲起來觀兵書
你們還要伏侍只可少息不可就枕也淨做睡衆
旦做睡科

旦結束如前上今晚初秋正當七夕紅線別了主
公飛出潞州東南城角沛乎如巨魚縱大壑逸乎
如鴻毛遇長風飛步九霄之間神遊八極之表他
日飛昇一登閭苑不過如此也呵

越調關鵲鵲

曲灣灣月捲脩眉。亂紛紛雲垂秀髮。花

簇簇絲履雙穿。翠亭亭金釵對插。急酒酒海浪驚奔。
响泠泠天風亂颭。閃爍爍把七首拿。虛飄飄將鶴背。
踏。羞殺了。遠迢迢衝水的輕帆。氣騰騰戰場的走馬。
霎時間。不覺蚤離潞州。倏渡漳水。隱隱魏州城。已
在眼前了。

紫花兒序

好笑我紅線呵。又不是搏風溟海奔月蟾。

宮行雲巫峽。我是個香閨幼女。爲甚的忝在天涯。我
也休誇。隨你直日的天符也。趕不上咱。想起來怎干。

休罷。只教他夢斷青霄。魂繞黃沙。

轉眼之間，已不覺到魏州城了。此是他衙門，不免竟入田親家翁。我不遠千里，特來看你哩。

金瓶梅

那里道霎時間來到你家。衆做巡更科旦你

看這些巡更的，提鈴喝號，要他何用，並不見有個人畱咱喫茶。你看這壁廂，那壁廂許多外宅兒，好睡哩。待我躁踐他一番。你這等莽兒郎，何事困乏。你看三百人，六百隻眼睛，再沒有一個人甦醒，算來三百人都害得眼睛。

已入外庭、未見動靜、我且發其左扉、竟入寢室、看
他曾睡否、呀、田親家、田親家、我在此、我在此、你怎
麼就睡一些寒溫也沒有、我且揭他帳兒起來看、
只見頭枕文犀之枕、前露七星之劍、劍前仰開金
盒一枚、內書生身甲子、與北斗神名、我想起來、你
平日何等英雄、今夜性命反懸于一女子之手、我
就殺你、此亦何難、只是可憐你無月之物、殺他何
用。

小桃紅

只見金爐香、透透窗紗、寂寞羅幃下、我何忍

七首將來把他誑。安排甲子總無憑。親書北斗名空挂。你雖是不醒。想夢魂兒應怕。好笑你英雄漢。便眼昏花。

好笑這里女侍們。執巾的。頭觸在屏風。執拂的身。倚在卓子。只顧自家的安逸。那管主人的生處。我且拽他的衣服。拔他的簪珥。看他醒也不醒。

天淨沙

這一個被咱歪了髻丫。那一個被咱褪了裙。

袂。這一個被咱分開了髻髮。那一個被咱叱咤。困騰騰。一味哩。伊啞。

田承嗣、田承嗣、我且饒你這厮性命、只是你那里曉得、我今夜到此、我且持其牀頭金盒而歸、報覆主公、且看他醒來、作何狀態、只教睡覺夢魂游地府、醒尋消息、遍天涯、下淨醒科、我纔睡去、似覺有人入我房中、欲覺不能、夢魂驚怕、今方甦醒、呀、怎麼牀頭金盒不見了、我生身甲子、北斗神名、俱在裏頭、且牆垣高峻、閨房嚴密、甚麼人到得我這裡來、好怪哉、好怪哉、倘若是敵國的奸細、他怎麼又不害我性命、就飄然去了、此事殊爲可駭、做打覺

侍女科你們這些小妮子，尚兀自睡哩。適間甚麼人到我閨房裏來？衆旦：沒有人。淨：還說沒有人。牀頭的黃金盒都被盜去了，可開了寢門，且到外廳去問這些外宅兒，怎麼說。外宅兒那有衆應科。淨：適間甚麼人到我衙中來，把我牀頭金盒都盜去了。衆老爺：這等衙門，半夜三更，有甚人敢進來。除非金盒是有靈的，自家飛上天去了。淨：還要調嘴。天色漸明，你們三千人，不論巷曲街坊，城內城外，分兵前去，五家一追尋，十家一搜檢，務要緝拿方

見尹白獲着者，就賞千金，無獲者，各問重罪。正是假饒走上，焰摩天，脚下騰雲，須趕上下。

末上紅線一去，閉戶獨坐，每常飲酒數合，却便頽然。今夜連舉數觴，愈不能醉。旦上一出，魏城來望西北行，將及二百里，只見漳水東流，雀臺高峙。晨鐘動，野斜月在林，忿往喜還，暫忘于行役，感知報德。聊副于答，謀聽夜漏，三更入危邦，一道往返七百里，經過五六城，倏忽之間，不覺又到潞州了。此是主公門首，不免竟入。末天已漸明，只見那曉角。

吟風一葉墮。露驚而起問。呀。紅線。你回來了。旦紅

線叩頭。末我兒辛苦跋涉。事可諧否。旦幸不辱命。

末你可細說與我聽。旦妾自別主公。二三刻間。卽

到魏博。凡歷數門。遂及寢室。聞外宅諸兒。止于房廊。睡聲雷動。見軍中士卒。步于庭下。傳教風生。廼發其左扉。抵其卧帳。見田親家翁卧于帳內。鼓足酣眠。頭枕文犀之枕。前露七星之劍。劍前仰開金盒。內書生身甲子。與北斗神名。此時要殺何難。暫且放縱。只見蠟炬煙微。爐香燼委。侍人四布。兵伏

森羅或頭觸屏風。躡而躡。或手持巾拂。寢而伸。乃
拔其簪珥。褰其裳衣。如病如醒。皆不能寤。遂持金
盒以歸。謹以投獻。冀減主公之憂。敢辭須臾之苦。
未我兒好生受你也。旦

調笑令 奉爹爹令咱魏國親達。呀。把他那外宅衙兵
盡踐踏。向朱扉左扇尋空罅。靜悄悄不見諠譁。好笑
那田家翁。做人來真邈。困騰騰像半死的蝦蟆。

禿厮兒 我要打碎他雲窗繡榻。蹂損他愛妾嬌娃。我
待要將他的軀老活縛拿。頭去斷。髮來拔。也不爭差。

主公我想他是個無用之物，饒了他性命，拿了金盒就跑了回來。

聖藥王 他是個井底蛙，不用抓。我是女娘家，不必性

兒狹。就撇了他，歪到家。脚跟猶帶魏庭沙。主公看我一身風露滿面塵沙，恰便似霧鎖牡丹花。

主公你可曾備快馬一疋，寒暄書一封。**末**我備下

幾多時了。**旦**主公你可疾忙差人將書一封、金盒

一個、星夜送到田承嗣處。**末**軍校那有扮卒上爺

叩頭。**末**你將此書、金盒、星夜送到魏州田爺處，只

說昨夜有客自魏州來，從元帥爺牀頭，獲一金盒，不敢畱貯，謹用獻納。

卒應下旦

尾聲

主公從今帥府，可也應多暇，這段功勞，非是小

丫鬟們誇耍，再不消魏州城下去，挽一張弓，田家門前去放半疋馬。

下

第四折

衆扮田家軍校上：我們田家帳下軍校是也，向晚老爺失去金盒，不知那里天殺的偷了去，分付我們五家一追尋，十家一搜捕，再不見一些兒踪影。

今日限滿、我們都要問罪、兩日老爺納悶、着閉上
軍門、再不許將閑事通報、遠遠望見一疋飛馬奔
將來、不知爲着甚的、薛卒上一心忙似箭、兩脚走
如飛、我是潞州薛爺差來的、煩你通報、田卒這兩
日老爺不快、一應事情、俱不許報、你且慢着、薛卒
我薛爺差來、有軍機重情、如何阻當、田卒就是薛
爺自來也沒幹、薛卒你不肯報、待我自家擊鼓、以
馬鞭擊鼓科、淨內出急問科、是甚麼人擊鼓、薛卒
見科、昨暮夜有客自魏州來、從元帥牀頭、獲一金

盒不敢收畱、敢此投獻、淨驚接待軍校科、怎麼有
這等事、蚤是你們老爺、若是別人、怎肯差人送下、
又來報我、薛卒這等說將起來、我家老爺失了金
盒、老爺決不肯差人送來了、淨我與你老爺一般、
怎麼肯、怎麼肯、只不知送來的、怎麼樣的人、薛卒
是一個女子、生得儀容嬌媚、宛若天仙、是夜正當
七夕、老爺坐帳中觀兵書、至五更時分、倏然而來、
送此金盒、淨我失金盒、正是七夕、此去潞州七百
餘里、怎麼就到得你家、敢是飛來的、薛卒說道常

飛在人家閨閣中、吃惡人的腦髓、淨驚科、若依你
說起來、我的腦髓、幾乎被他偷去吃了、好怕人、好
怕人、他如今在那裏、薛卒常在我主公家往來、淨
我這里無緣、再不曾遇得這樣人、薛卒這也何難、
老爺若思想他、小人家去、再教他來看、老爺淨驚
云、這使不得、再不勞下、顧了軍士們、你可安排大
筵宴在私宅中、我自陪薛家大哥飲宴去、薛卒下
淨軍士們、明日遣使將名馬二百疋、錦段三萬端、
珍玩奇寶、送與薛爺、并教幕中記室、作書一封、曰

承嗣首領、係在恩私、便宜知過自新、不復更貽伊
戚、專膺指使、敢議親姻、卽當麾鞭馬前、捧鼓車後、
所置外宅兒、本防他盜、亦非異圖、今並脫其裳衣、
放歸田里、務要詞旨謙恭、字畫端楷、不可遲悞者、

卒領鈞旨、竝下

旦扮道服上、綽約腰肢、更可憐、分明花洞小書僊。
何時得離人間世、飛到玉皇香案前、紅線前生得
辜、墮落人間、圖報今世之恩、再了後生之事、雖懷
劔術、常結仙心、今主公之恩已酬、林壑之念遂決、

朝真玉洞、採藥名山、只待主公出來、卽得辭去、末
上日落、轅門鼓角鳴、飛書已入魏州城、從今紫塞
狼烽斷、戰士歸耕不用兵、紅線前日差人到魏州、
怎麼這時候不見回來、卒上魏州往返千五百、力
衰腳痛走不得、只連奔了八九朝、不如紅線三兩
刻、老爺叩頭、末你回來了、卒回來了、田爺多拜上
老爺、感恩非細、今送錦段三萬、名馬二百、珍玩奇
寶、俱在帳外、兼有書一封投上、末孩兒一路辛苦、
着帳下賞他金帛酒飯去、卒謝下、末誦前書、科田

承嗣、田承嗣、看你數載強梁、一旦軟弱、是何前倨而後恭也、紅線我兒、這段功勞、都是你的、此恩何日報得、旦怎麼敢、末你今日爲何這等打扮、旦正要對主公說、紅線前生男子、游學江湖、讀神農藥書、救世人災患、時有孕婦、忽患蟲疾、以芫花酒下之、婦與腹中二子俱斃、是一舉而殺三人、陰力見誅、罰爲女子、使身居賤隸、氣稟凡俚、幸生於公家、今十九年矣、口窮甘軟、身厭綺羅、寵待有加、榮華亦甚、況國家達治、慶且無疆、今兩地保其城池、萬

諸調滿
酒出塵
亦詞家
仙品

人全其性命、使亂臣知懼、烈士謀安、在紅線一婦
人、功亦不小、固可贖其前罪、遂其本形、便當遁跡
塵中、棲心物外、澄清一氣、生死長存、主公主公、我
今日別了你、決要去也呵、

雙調新水令

一天風露報新秋。正庭院落梧時候。金

商初應節。青女競宵遊。

末

紅線我兒、怎麼割捨得我、

飄然就去了。旦主公、月有圓缺、陰晴、人有悲歡、離合、
寒來暑往、天道之常、你看這兩日呵、織女牽牛、正是
別離後、

末你當初的事、與我再說一番旦

駐馬聽

聽說緣由、我是董奉門前栽杏叟、末你原來

是個醫人、旦

我害子母三人性命、傷他骨肉、罰做薛

家帳下小丫頭、今隨了主公、何等窮奢極欲、延窮甘軟厭珍羞、身盈蘭麝、粘羅袖、恩愛久、風流豈落諸姬後。

方今諸藩安靜、天下太平、保守兩家城池、萬人性命、區區女子、功勞亦多、卽當贖前罪、而復男形、離迷途而歸正道、末紅線我兒、面如牆外桃花、腰似

窻前嫩柳、深山窮谷、草舍茅簷、怎受得許多辛苦、

旦

蘇牌兒

主公你見我平日行徑呵、認咱是窻外柳、我、

日夜、夢魂兒呵、常不離海中岫、我、卽今要東游、碧海、西、走、崑崙神游、八荒、一證仙果、正要到蟠桃會上、親傳授、吃幾杯長壽酒。

末我兒、既是畱你不住、我只得放你去、軍校們那

有軍校上稟爺有何分付、末你去排設筵席、到幕

中請冷叅軍、劉郎中、楊員外、各老爺與紅線姐送

行去。卒請科衆官上蘭陵美酒鬱金香。玉碗盛來琥珀光。但使主人能醉客。不知何處是他鄉。下官冷朝陽。下官劉長卿。下官楊巨源。蒙薛元帥相招。不免竟入。末衆相見科。末紅線。你叅見列位爺。旦見科。衆紅線姐。你不勞戰馬一疋。羽箭半枝。收功俄頃之間。決勝千里之外。可喜可賀。請問元帥。他今日怎麼是這等打扮。末不瞞列位先生說。他不肯帥府尋歡。卽欲山中訪道。因此特排筵宴。請諸公與他送行。衆紅線姐。看你這等小小身兒。你打

扮起來恰像王母面前許飛瓊的模樣也。旦

擬爭琶

莫道我身子兒瘦。我待要騎鶴上瀛洲。只爲

這塵世沉淪。因此慕仙家永久。衆你敢是還要別尋

懽樂去處。旦你休認我天台洞口去尋劉那里知臭

皮囊畢竟難留。衰朽我待學忘機江上鷗。討甚麼閒

愁。

末女侍們送各位老爺的酒者。紅線歸山訪道。此

亦人間奇事。煩列位先生各賦一詩。以敘離別之

意。冷先生先唱。劉先生次之。楊先生又次之。冷咏

詩云採菱歌怨木蘭舟。送客魂消百尺樓。還是洛妃乘霧去。碧天無際水空流。末賦得好詩也。紅線
送冷老爺一杯。旦冷老爺你道我似洛妃乘霧碧
天水流。我好快活也。

鳳兒落非是我驀家喜浪游。祇爲那住世多卑陋。你
道是魂飛百尺樓。我待要踏破三山甃。

劉咏詩云獨上雲梯入翠微。濛濛雲氣護岩扉。送
君去向中峰住。遙禮青山恨不歸。末好詩也。紅線
送劉老爺一杯。旦劉老爺你說道雲護岩扉。向中

峰住真個是好去處也。

得勝令

你只見渡口水爭流。我待去花下問漁舟。喜

得那路接僊源近。誰知道山藏鬼谷幽。楊咏詩云幕

府歌鐘花外亭。翠蛾紅粉散雲屏。舞衣脫去餘香在。

今日花前學誦經。**末**好詩也。紅線送楊老爺一杯。巨

楊老爺說舞衣脫去。花前誦經。說得我不差也。我待

戴一個綿篴。說甚麼鳳髻金釵溜。我待穿一領羊裘。

再不想香羅衫袖扭。

我今也送主公一杯酒。願主公急流勇退。明哲保

身仙路非遙。或者還有相見之日。

沽美酒。願恩官坐潞州。願恩主早封侯。想富貴功名不到頭。好休時。即便休。怕那時節。罷不得手。

主公。我今日就拜你去者。

太平令。早來到神都蓬園。去尋個衙侶僇儔。免不得參辰卯酉。那裏管箋書章奏。我呵。從今離歌樓舞樓。便飛上麟洲鳳洲。呀。看身穿九霄雲竇。

旦望北拜科。願朝廷爺萬歲萬歲萬萬歲。

錦上花。四海昇平。拋鞍弛胄。邊警無虞。氛解狼收。濟

濟諸公。同調玉燭。燦燦羣星。俱朝北斗。夔龍作輔臣。
湯武做明后。華輦宵行。翠蓋宸游。聖德重熙。皇猷不
朽。海晏河清。天長地久。

清江引急騰騰拜辭天路走。劍氣清風。關何年一鶴
歸故國。還依舊。那時節。向古遠城重聚首。
下

崑崙奴劍

俠成僊

盛明雜劇

宛陵禹金梅鼎祚撰

西湖

孟圖楊世珍

閱

錢江叔薦張鶚舉評

彥雯汪標

崑崙奴

汾陽王重賢輕色

紅綃伎手語情傳

正名

崔千牛侯門作婿

崑崙奴劍俠成僊

第一折

外扮郭令公金襖頭紅袍衆引旗戟女侍執劍拂
一女衣紅上建節東行是舊遊安危須共主君憂

郡人重得黃丞相。上客親隨郭細侯。下官姓郭名
子儀。華州鄭人也。本以武舉起家。累擢永清軍使。
天寶十四載。反了安祿山這厮。潼關直入。聖駕西
遷。某家爲靈武太守。兼領朔方節度。與李太尉光
弼等。奮義勤王。揚兵擒賊。幸得兩京克復。九廟不
移。蒙主上錄某微功。旣拜中書令。又封汾陽王。親
在肺腑之間。班列諸侯之上。只是一件。某聞得天
忌多。取位極。身危。況且魚朝恩。程元振。這一輩小
人。妬賢嫉能。如鬼似蜮。某便做上書乞骸。肉巾歸。

第亦有何難、只爲那患難未平、國家初定、某是個、
安劉、周勃、怎做得辟穀、畱侯、以此多買些歌兒舞、
女、暫且圖暮樂朝歡、聊學那王翦、置田、蕭何、請苑、
人都道俺窮奢極欲、那知是明哲保身、這幾日體、
中不快、早已分付女侍們、排宴親仁里甲第中、叫、
牙門官、如有緊急軍情、及俺通家子弟謁見、方許、
通報、其餘權記下者、雖不是避賢初罷相、可一似、
樂聖且啣杯、下

崔生金束髮冠紅袍上、東風吹柳萬條斜、望見葳

粧舉翠華。十二街中春色徧。蓬萊闕下是天家。自家博陵崔生者是也。某父天寶中曾備顯僚。頗叨門廕。某因任千牛之職。彎弓執戟。強似楮郎。繡服花冠。忝親宿衛。年方及冠。尙無妻室。終鮮弟兄。見今汾陽王郭令公與某父舊係同寮。正是通家。這幾日聞得他身子不快。某承命親去問安。且待崑崙奴到來前行者。崑崙大帽青衣上。裘馬誰爲感激人。豈論書劍與風塵。五湖歸去孤舟月。再到天台訪玉真。某崔府崑崙奴磨勒是也。本結仙胎。有

通劍術，驅神役鬼，出有入無，只爲那塵緣未盡，薄
謫難辭，就托迹在崔老爺家，做個蒼頭。見今伏事
他郎君在此，儘着他墜銙執鞭，少不得負薪汲水，
正、要、忍、辱、纔、是、鍊、魔、直等到主恩少報，限期已滿，
方可脫身，再圖證果。這幾時像是有個機括了，郎
君早間說要見汾陽王，須索隨行者，迤邐行來，你
看是好一個長安也呵。

仙呂點絳脣 百二咸京，赤符膺命懸金鏡。海晏河清。
北極皇輿正。

俺唐朝建都關中，到玄宗皇帝開元年間，真個主
聖臣良，兵強國富。後來那妃子專寵，姦臣擅權，弄
得好一場大亂也。

混江龍 山河壯盛，忽渙陽輦鼓動華清。玉環山下鬼。

可附汾
陽廟碑
陰

鐵騎國西營。這郭令公呵，特地親提靈武駕，翻然遠
救朔方兵。真個是戈揮太白，劍掃攬槍，眼標銅柱，臂
奪金城。乾坤再整，日月重明。**生** 朝廷却也報得他厚
了。崑崙到如今，旂常姓勒，帶礪功成。貂行奕葉，麟閣
圖形。旌門列戟，珠履盈庭。雕房鎖闥，綉褥銀屏。則聞

的燕鶯。夾座鬧春聲。又則見貔貅出獵。乘秋令。受用些迷花寵柳。鼓瑟吹笙。

這是郭令公府前了。早見他升堂也。郭領衆及紅綃上。春光又入上陽間。日繞龍鱗識聖顏。莫是長安行樂處。紫宸朝罷綴鵷鸞。這幾日病起入朝。方纔歸府。牙門官有客見訪。好生典謁。生牙門官可通報。故人之子。崔千牛求見。衆呀。不勞下顧。前日俺老爺因病辭客。有個牛仙客老爺來拜。俺見老爺門對上。道院迎仙客。書堂引相儒。以此就報。老

爺大怒，說是你那牛字怎的說，細打一百。如今你
叫做崔千牛，就當打一千了。你改作崔千馬罷。生
却不道以牛易馬。衆我且盤你一盤。是水牛，是火
牛，你身穿紅，一定是火牛了。生道不得利欲驅人
萬火牛。衆說起萬牛，一發不敢報了。生咳，好一個
阻賢的牙官，可惱。衆你嘆氣也無益，可知道丙丞
相不問牛喘。崑崙一發譚話，俺自去進報。衆少待。
報介郭這崔千牛，是我同僚之子，疾忙召進。見拜
介生左轄頻虛位。郭殊恩且列卿。生故人何寂寞。

郭夫子獨聲名、女侍們、設繡榻、郎君坐者、生崑崙

奴叩見郭老爺、郭這崑崙奴是甚名來、崑崙

汕葫蘆、俺磨勒是崑崙一個名、便謹依閫外將軍令

做搶跪科、曲着躬、聲喏在公庭、郭紅綃、以甘酪沃絳

桃、進崔生點茶者、紅擎甌、進崔科、崑崙好主人、筵上

無鐘鼎、小妮子、皆下傳香茗、背科、那寮寮的禮不周、

這子弟的心自省、也須知桑梓人恭敬、甚的是遺後

見君情、

生揖科、小姪告辭、郭郎君閒暇、須一相訪、無間老

夫也。紅綃可代老夫一送。女侍們置宴後堂去。正是賓至下塵榻。憂來命綠尊。
下紅綃私白看那生貌如冠玉。聲似擲金。舉止安詳。發言清雅。是好托終身的。我且做些手勢與他。他敢怕有頓悟。也不見得。崔郎老爺命我送你出院哩。做出三指三反掌。指胸前鏡子科。崔郎記取。正是傳聲三語。掾安得一心人。
下生我好悶也。崑崙

天下樂你累世通家說李膺。交情待怎生。把龍門。却將來。做夢登。這郭令公還是厚哩。古人道。一貴一賤。

交情乃見一灰一生乃見交情今世的人誰不如此
問黃公壚畔言聽山陽笛裏聲都變做鶯花三月景
生且回書院去者悞到蓬山頂上遊明璫玉女動
星眸朱扉半掩深宮月應照瓊芝雪艷愁咳好悶
人也做坐科崑崙

那吒令你坐瑤臺露凝敢只爲烏啼的酒醒生做臥
科你卧蒼苔月明敢只爲花飛的夢縈生做泪科你
忽蘇蘇泪零須不是傷春的病症看你門裏面却挑
心蟲兒底還添血那些個守口如瓶

生你是個厮養們蒼頭輩、只好做酒囊飯袋、圖它些酩酊膨脹、那曉得我心中事來、崑崙

鵲踏枝

你道是厮養們、不聰明、蒼頭輩、忒膨脹、背科

可知俺駕霧騰空、十年來變姓埋名、俺曉得多是爲那送出院的人、了、你快心兒、把崑崙的索倩、這差科、非關似忒馬擎鷹。

郎君豈不聞蟻可測水、馬能識途、黃帝順風以拜童子、孔聖辨日乃屈小兒、你要甚的來、九天之上、九地之下、不拘遠近、老奴必能爲郎君致之、**生**呀、

我誠皮相、那識異人、我試說與你、早間郭令公着
那紅綃妓、送我出院、我回頭一顧、他袖出三指、又
反掌者三、然後指胸前小鏡子、道是記取記取、這
明明是有心我了、那手語却怎生說來、它做得諷
龍尾的、莊姬我到不能爲隱、羊裘的文仲、好悶人
也、崑崙此小事耳、有何難曉、立三指者、它宅中有
十院歌姬、此乃第三院也、反掌三者、數十五指以
應十五日之數也、胸前小鏡子者、說那十五夜月
圓如鏡、叫郎君來也、

崑崙奴

七

寄生草

它暗約着三更棗。尙畱着五夜燈。生這都是

了。可喜可喜。你有妙計。達得我心事。會得它一面麼。
崑崙這有何難。俺就負着郎君去。便偷桃。也就跨蓬。
山頂便尋芝。也就入天台。嶺便乘槎。也就犯銀河境。
生既去得。就要去。那玉樓人等得苦也。**崑崙**郎君耐
性。他宅中有猛犬。守着院門。常人若入。必噬殺之。這
犬其警知神。其猛如虎。卽曹孟海州之犬也。世間非
老奴殺不得此犬哩。你只知道露。灩灩玉樓人倚杏
花寒。可知怕的是月團團。金鈴犬吠梧桐影。

語

生好斷腸的事也。崑崙

公篇

你小可的腸都斷。那紅綃也恨越增。這些時金

缸帶壁芙蓉冷。羅鈿匣鏡玻璃淨。鮫綃漬淚珍珠迸。
若不是俺巧心兒移日會。瞞天你那悶愁兒一似擔
雪空填井。

生你則這等去敢帶些器械麼崑崙俺自有打扮

煞尾腰懸着百鍊鎚。胸挂着雙文鏡。袖三尺青蛇。爛
爛寫太乙神名頭上頂。生好打扮。百鍊鎚流星在手。

雙文鏡皓月當胸太乙神定相顯助三尺鐵誰敢爭鋒是好一箇崑崙也我要怎的去好崑崙郎君但請深青絹兩疋爲製束身之衣窄裁衣時樣深青生道好險莫不決撒也崑崙寬放膽潛踪滅影試看俺虛飄飄出入似無人境你加些志誠俺圖些僥倖好和反成就了你錦前程並下

第二折

紅綃上深谷鶯啼恨院香偷來花下解珠璫碧雲飄斷音書絕空倚玉簫愁鳳凰妾乃郭令公家歌

妓紅綃是也。見居在第三院內。兩日前那崔千牛
來見我老爺。我送他出院去。曾做些手勢。教他十
五夜乘着月色。會我院中。如今正是十五夜了。但
不知這啞謎兒。他可參得透。況且又重門峻壁。就
插翅也飛不來。哎。我這半腔春恨。滿腹離愁。都付
一聲的長嘆也。崑崙上行行望入五侯家。寒食東
風御柳斜。細看月輪還有意。試開金屋掃庭花。俺
磨勒談定今夜。與郎君赴紅綃之約。早見那天。從
人願皎團團的明月。推上來也。生上磨勒。你看水

輪漸滿。玉宇無塵。仗你的力。今夜好。一個人。月圓也。崑崙當此夜。闌人靜。月朗星稀。老奴前行。郎君便隨後者。

越調關雎鴉

剔團圓扇影裁絃。急閃爍珠光破匣霜。

鋪似漢闕龍樓。冰甃般秦宮鴛瓦。昨日個一水天邊。今夜裏三星戶下。生料你酒肉勾了。敢還吃些茶去。崑崙我也不吃茶。生且住。與你說句話兒去。崑崙我也不打話。早教那奔月嫦娥。管會你行雲楚峽。

衆卒巡更上。虬箭傳宵漏。鷄人報曉籌。半夜三更。

你們是那里去的。崑崙俺是郭爺府中差來查你們的。點科你們既都在。不可守定此一處。到天街上。去巡一巡。衆應下崑崙。

紫花兒序

公令

枉着你金壺玉箭。鐵壁銅垣。我並不帶

水沾沙。做大上吠科。犬你做道。知恩展草。我却又爲主。移花。厖也休嗟。就是黃耳的。也與我將書達。到落得無牽無掛。打死犬科。犬我不是要害你性命也。則怕打鴨驚鶩。打草驚蛇。

郎君。犬已爲老奴搗殺。再無障塞了。這裏邊有十

重高垣，可速進者，**做負生踰牆科**

金蕉葉 乘顥氣。那里有高高下下。御天風。則覺得瀟瀟。瀟瀟。瀟瀟。小相如參透了。風流調法。俏文君不教你終身守寡。**做到科**

調笑令

這來第三院敢是他。**生** 一定是他了。崑崙莫

不你饒眼兒。花那繡戶早則不扃也。我試開看呀。我則見泪閣着腮兒手噓牙。**生** 做窺科。你看他翠環初墜。紅臉纔舒。幽恨方深。殊愁轉結。是好動人也。崑崙又則見絳臺上明晃晃的燒銀蠟。**生** 那金缸尚微明。

聖。崑崙。你則索靜悄悄不的爭差。切莫要籠窓和動
闔。是必小心兒行禮謙洽。

生進紅綃執生手科。妾知郎君穎悟必能默識。所
以手語耳。但不知郎君有何神術而能至此。生乃

是我崑崙奴磨勒。負我而來。紅綃奇哉奇哉。崑崙

小桃紅雕闌深鎖。牡丹芽屈殺居人下。裙摺兒慳慳。

襯着衫兒窄。這些時好破瓜。正春宵一刻千金價。紅

綃磨勒何在。速喚進來。做進見科。這事多生受你勸

你一杯酒者。崑崙你纖手親擎着玉斚。可不道將人

折殺紅綃你既負得郎君進來也負得我出去麼崑崙不難不難俺便做那官鶯鶯出上陽花

紅綃妾家本居朔方爲人姬僕臉雖鉛華心頗鬱結縱玉筋舉饌金鑪泛漿雲屏而每近綺羅綉被而常眠珠翠皆非所願賢牙爪既有神術何妨爲脫狴牢雖死不悔願侍光容又不知郎君高意如何生搖頭科這事也甚難哩崑崙小娘子既堅確如此亦小事耳

鬼三台

他說着英雄話你怎的喬禁架使不得推擲

做啞。小娘子把玉簫吹徹。碧桃花。趁東風。早嫁小娘
子。有囊橐粧奩。老奴當先負出去。紅綃。你却不要當
耍來。崑崙休問我。耍也不當耍。則問你。假也不當假。
做負囊出復進科。赤緊的彩鳳文鸞。勾罷了心猿意
馬。

天色將明。郎君小娘子。請速行者。做負二人出牆
科。

禿廝兒。也不須白鼻小騮。也不須七寶高車。我則向
空中往來尋空鱗。郭令公。明日呵。倘問你那嬌娃。崔

家。

聖藥王

你看月影斜。花枝亞。鳳凰城東角。暮雲遮。做

到院科。開了翡翠屏。忙鋪了芙蓉榻。湘簾兒低護絳

窻。紗索強似五侯家。

尾聲

看來這一場好事天來大。須把俺崑崙眼梢兒

一抹。趕着你這崔千牛緊追陪。閃殺那郭汾陽告消

乏。並下

扮管家上

生身作奴客。入侍近王侯。俺是郭府中

管家。昨夜歌妓第三院。不見了紅綃一人。這事好

蹣蹣須要報與老爺、扮牧夫上、獵書非我事、狗監
是前生、俺是郭府中掌管牧養的、昨夜歌妓第三
院的猛犬、不知何人打死了、也須報與老爺、相見
各說科、管家我如今沒奈何、只得分情割愛、將我
那渾家、賠了老爺罷、牧夫你那婦人我見來、五六
十歲、赤了雙腳、要他何幹、管家你不曉得、我婦人
是有出處的、韓詩道、一婢赤腳老無齒、牧夫好一
個步步生蓮、我將那十二三的女兒賠老爺、使得
管家一發難、我見你那女兒就像你的面、是花的、

牧夫你也不曉得、我家女兒是有出處的、白詩道、
花面丫頭十二三、管家好一個面貌如花、還是我
那赤脚好對紅綃、牧夫我那花面好對你那赤脚、
管家住口、老爺出堂也、郭令公上、你們爲甚事、在
此大驚小怪者、同稟科夜來歌妓第三院、不見了
紅綃、守門的海州犬也爲人捶殺了、稟上老爺知
道、郭你們都不要胡嚷着、一兩人暗暗的緝訪、衆
應下呀、作怪、我門垣從來邃密、封鎖甚嚴、他勢似
飛躋、絕無形迹、是一個大俠了、若再聲聞、徒生禍

大臣深
憂遠慮
如是如
是

害。況那紅綃原是歌兒。不在我姬妾之數。由他去罷。只是這般人。却都不爲朝廷所用。眼見得天下又多事也。正是嚴廊多倖位。草莽有英雄。下

第三折

崑崙上城上春雲覆苑牆。同人永日自相將。歸鴻欲度千門雪。花氣渾如百和香。俺磨勒自引出紅綃娘子。與郎君住此。已經兩年。並無踪跡。今日去同遊曲江。事數敢也要露了。就使郭府中千軍萬馬來。俺自有對付他處。紅綃上妾乘油壁車。郎乘

青驄馬、生上何處結同心、西陵松柏下、磨勒你怎
生恁等粧束、崑崙人事何常、須防不測、老奴御車
籠馬、請往曲江者、

正宮端正好車油壁、暗塵飛、馬青驄、遊心蕩、步春雲
晚色年芳、看曲江翠幕排銀榜、通御氣、停僊仗、

這曲江上好風日也、

滾绣毬虛飄飄、風乍涼、漸融融、日載陽、罩輕烟、紫絲
羅帳、溯空明、錦纜牙樯、覓九龍、鬪草池、問三郎、蹴鞠
場、對秦川、綠波如掌、記芙蓉、別殿焚香、正林花、着雨

景如
璧

胭脂濕水荇。牽風翠帶長。傳語風光。

生那裏有好酒店。尋一所飲三杯去。崑崙前面那
杏花村中。有一個小酒店哩。

倘秀才

紅杏鬧青旗。小坊碧柳映黃茅。短牆。叫酒保

有麼指點銀餅索酒嘗。酒保上歸來宴平樂。美酒斗

十千。崑崙那裏問十千平樂價。酒保只一位官人麼。

崑崙還有那二八內家粧。要一副僻靜些座頭。怕蜂
勞蝶。嚷。

郭家人上。昔有霍家奴。姓馮名子都。依倚將軍勢。

調笑酒家胡、叫酒保、郭大爺來到、你曉得俺郭府
中人、弄大慣了、你有那老的、少的、村的、俏的、吹的
彈的、歌的、舞的、還十數個來、與俺大爺下酒、酒保
店小二這屋裏並沒有郭家人、你調謊待俺自去
搜看、窺紅綃科這裏面明明一個穿紅的婦人、與
甚麼漢子飲酒、呀、這婦人好廝熟、就似俺府中兩
年前失去的紅綃、崑崙你問誰來、郭家人裏面這
婦人、是那漢子的何人、崑崙

呆骨朶他阿嬌金屋粧成相、記盈盈十五、恰嫁王昌。

郭家人這等是一對好夫妻了。不但這婦人。那漢子也厮熟。到像是兩年前見俺老爺的崔千牛一般。崑崙你見鬼了。是甚麼崔千牛。與你家紅綃。那些似楊虎圍匡。空省識明妃畫像。依你說是紅綃來。怎出得侯家的似海門。更那羽林的如雲。伏你可也敢錯認紅綃樣。試開取鏤金箱。

打郭家人下生這厮去。一定報令公也。扮將官騎馬上。單符軍府令。一騎曲江頭。崔千牛在這店裏。麼崔千牛。奉郭老爺之命。問我家紅綃何在。千牛

何以得之。**生**我命早則休也。**崑崙**不休不休。尊官、俺直對你說。那紅綃本是個英雄。埋沒着在你相府。他看上俺家郎君。討一個出頭日子。是俺**崑崙**奴畧施小計。先殺猛犬。徑入重垣。不辭那半夜辛勤。成就他百年姻眷。與郎君沒甚相干來。

倘秀才休的爲亡猿。楚國遭殃。則俺學鳴鷄。函關空壯。那日個三五良宵。月半黃渡。漢填烏鵲。登臺引鳳凰。這的是**崑崙**性拚。

將官這也不當拚了。俺自去回覆老爺者。**下生**此

去必多着人來、且急回書院去、行科崑崙

滾綉毬

步珊珊。環珮長。動霏霏。羅綺香。猛回頭。綠愁

紅。悵。問歸途。驀徑穿坊。則平將風月擔。怎爭教鶯燕

忙。生紅綃磨勒。須要商量。計將安出。崑崙郎君小娘

子放心。假饒他明燒祆廟。就其間暗度陳倉。那風聲

兒一任傳軍府。你春色牢關在洞房。有甚商量。

將官領衆卒執兵器上。令急如星火。兵嚴似虎狼。

這就是崔千牛書院。進見科俺老爺傳語千牛。這

件事。紅綃亦有大罪。但千牛驅使踰年。也不問是

非了、今命小將統領甲士五十人、只擒崑崙奴一
人、須爲天下除害、甲士們、擒住崑崙奴者、崑崙奴、
誰敢來、誰敢來、

倘秀才不枝撐手慌脚忙、沒遮攔數黑論黃、依倚將
軍勢可也強、俺郎君就當做你家個東床、也不辱了
你家譜、便做道牽絲尋繡幕、到省他開宴出紅粧、儘
兩下相當。

將官甲士們、向前圍住者、崑崙

滾繡毬吉錚錚鐵錮鎗、密匝匝綠沉鎗、衆俺老爺曾

定兩都戰河北山東宰相山西將哩。崑崙最生憎山
西出將則好去河北爭強。衆你是崔家牧馬驅羊的、
有甚強來。崑崙你那裏知道、那衛長平曾牧馬蘇屬、
國也驅羊。傳與你賢明宰相莫欺俺粗夯的兒郎。衆
他是中書屢考令汾陽異姓王。崑崙你道是二十四
考中書令兩字汾陽異姓王。俺提和放也不甚周章。
上覆你老爺一女子何足惜。所惜失一烈士耳。他
富貴已極緩急有時。那裏沒用着我們處。俺試說
幾個古人你試聽者。

脫布衫盜馬的。宛救秦。射鉤的生輔齊強。透重圍。是絕纓楚將。脫囹圄。是那賜姬的表盎。

衆俺老爺擎你。也只爲天下除害。崑崙大笑科。可。咲。可。咲。你見害。天。下。的。那。裏。是。俺。這。一。班。貧。賤。的。人。俺試說眼前事。你試聽者。

醉太平。有一個設金鷄寶帳。衆這是安祿山了。崑崙有一個坐偃月深堂。衆這是那李林甫了。崑崙有一個南征北討要開疆。衆這又是楊國忠了。崑崙把乾坤擾攘。攘得個六龍棧道連雲上。六宮夜雨霖鈴響。

六軍戈甲掩胡霜。是他們主張。

郎君小娘子且請方便。老奴暫去。立秋之日。到青門外相會者。衆將校。你那郭令公却早已老也。

尾聲 休教白髮三千丈。少甚金釵十二行。開籠好放

雪衣娘。

生紅綃下

笑科

他怎麼擒得我。你看俺七首

星光。鶴背雲翔。若問盜紅綃。那一個崑崙端的在瑤天上。
做飛身下

衆呌呀。好怕人。你看他飛出高垣。驚若翅翎。疾同鷹隼。攢矢如雨。列甲成雲。那裏沾得他一毫。這樣

崑崙奴

九

人怎麼好惹他、我們去報老爺、眼見他上天有路、驚得我入地無門、

第四折

郭令公上。渚烟、溪月、共忘機。老大徒傷、未拂衣。真訣自從茅氏得。瀛洲當伴赤松歸。自家是郭令公、想俺的功名已極、享用太奢、到老來出世超生、則有尋仙這一路了、適有人報道、崔家崑崙奴、又做道人在青門外、看起此人不止是大俠、實是個劍仙、俺再差人去打聽了、**卒上**探事的報老爺、崔家

崑崙奴委的做了道人、在青門外等他郎君、和那
小娘子一別、就成甚麼仙去哩、郭我如今作急去
尋他、他倘肯爲朝廷出力、我便上書奏聞、若苦不
肯、或者、有幾句好言語、點悟我、也是我歸根處了、
左右的、隨我去青門外、覷一遭也、下

崑崙道粧執拂、負劍上、曾向長生說息機、頓令心
地欲皈依、仰天大咲、出門去、却伴青霞入翠微、俺
磨勒下降崑崙、混身僕隸、近日來謫限已滿、主恩
略酬、況且又已顯迹人間、自不宜久居此地、春間

曾約郎君小娘子立秋之日、青門外一會、其從此
 逝矣、這些時想多來也、生紅綃上、嬾朝真與世相
 違、嘆息人間萬事非、黃鶴有心畱不得、何年却向
 帝城飛。前邊那遠遠立的是磨勒也、呀、磨勒你自
 那日飛出院牆之後、一向在那裏、却怎的這般道
 粧起來、崑崙老奴東往扶桑、西尋弱水、討一個消
 息兒、就來此間、以赴前約、且要拜別者、生紅綃呀、
 又怎生說起別來、崑崙郎君小娘子、俺的前因、和
 這近事、也都瞞不過你們了、老奴感老相公視如

已子郎君親若弟兄，又何忍爲人不徹，中道相拋。
只是俺已登名綠簡，落藉黃塵，要畱也畱不得了。
你看那青門之外，金殿乍轉，玉露初零，纔見春來，
又早是秋景也。

雙調新水令 漢家宮闕動高秋。望長安，不堪回首。
瑤臺青桂冷，金井碧梧愁。
生 少畱片時，待餞你一杯酒。
兒，崑崙何處淹畱，更盡那一杯酒。

生 敢憶着你故鄉，要去麼？
崑崙

鴈兒落

那裡是魂飛故國樓。則常時夢遶蓬萊岫。
生

你也有故主之思麼。崑崙也只爲東陵戀故侯。冷落
了北海尋仙友。

生就是仙都上界。敢也是這個乾坤。你圖個下半
世快活罷了。崑崙

得勝令 便做道殘生。隨白鷗。也須有江漢一歸舟。你
這裡冠冕通南極。俺自有乾坤到十洲。生你怎輕丟
了我。去崑崙輕丟。謫滿也難相候。生我夫妻好憂也。
崑崙休憂。願你夫妻們直到頭。夫妻們直到頭。

郭令公衆從上左右的。催動車馬。尋着崑崙者。崑

崙

沽美酒架高車。鳴絳騶。架高車。鳴絳騶。莫不是追韓
信那蕭侯。郭不是追你來送你。崙崙這的是送客逢
春可自由。郎君小娘子見令公者。生紅綃見科。向者
多蒙不殺之仁。得效于飛之願。報恩何所。負罪實深。
郭前事俺原說不究了。此來只爲餞崙崙也。崙崙則
道你不索也。閒窮究。却原來出青門餞行酒。出青門
餞行酒。

郭你勇力超人。智謀絕世。我薦你做個羽林郎了。
崙崙奴

你怎生又去也。崑崙不勞了。

川撥棹

哎。你要俺戴南冠。學楚囚。戴南冠。學楚囚。分。

明是參神龍烹。走狗饒着他滅項興劉。釣渭興周。借箸前籌。拜將封侯。這都是擎天妙手。則落得灞橋邊。弔衰柳。

郭令公。你原是那武曲星。天遣你來佐中興的聖主。數十年功垂竹帛。名播華夷。仙路非遙。光陰有限。早討個急流勇退也。俺郎君受你的大恩來。老奴。以此代報者。

太平令 識時務。閉中罷手。討便宜。忙裏抽頭。也須要
關前顧後。那些個。天長地久。你呵。到如今。得休好休。
挂風帆。得收好收。呀。急須防江心船漏。

郭承指教 俺也就辭官入道了。崑崙郎君。你本是
玉皇殿上金童。小娘子。你本是王母筵前玉女。宿
緣未斷。雙謫人間。今旣完五百年之冤家。須當結
三千歲之正果。苦海無邊。回頭是岸。牢心記者。
七弟兄 勸着你早脩。葉落要歸秋。下場頭。見死也無
人救。你雙名兒。僊籍在高頭。好乘鸞歸去。天風後。

生紅綃我夫婦也不樂人間就要去雙脩了崑崙
朝廷也須一謝者上拜科

梅花酒正衣冠拜冕旒正衣冠拜冕旒雙鳳闕五雲
樓調玉燭固金甌拜郭科願汾陽鎮九州好分破帝
王憂拜生科謝郎君問舊遊心去也意難留

收江南呀則野草閑花滿地愁看朝夕催人易白頭
青山歷歷水悠悠俺真成浪出遊真成浪出遊鳥飛
兔走天地一虛舟

老奴就此去也後會有期珍重珍重生你此去伐

毛換髓、變姓逃形。我何處會得你着。崑崙十餘年後、但向洛陽市中間、那賣藥的就是了。

清江引紫騰騰、劍氣冲牛斗。華表歸來後、人民半已非。城郭何如舊。你則向那洛陽街尋藥叟。